

Ndai Lam Ni Hpe Nang Chye Sani?

70%

2015 Ning Ra Lata Poi hta ME bang lu ai masha jahpan a tsalam shadang (70) daram ME jaw lai wa sai.

5M
18+

2020 Ning Ra Lata Poi hta, shawng nnan lang ME bang na Ramma ni Wan (5) daram nga ai.

ME bang masha jahpan hta na a mying lawm jang she ME bang lu na re. Dai majaw na a ahkaw ahkang n sum mat na matu, ME bang masha jahpan ndau, shakap da sai hte tinang a mying lawm/n lawm hpe sa jep yu u. Lama, nang gaw maigan mungdan de du taw ai rai yang ganghkau (online) kaw na mai jep yu ai. Ndai lam hpe nang hku nna ahkyak la let maja taw na gaw ahkyak ai.

COVID-19 a majaw na a ME bang ahkaw ahkang hpe n sum mat na matu, Mungdan Hkamja lam hte Ginsup Dap Hkringmang a hpaji jaw matsun ai lam ni hpe hkansa u. Nang hte na makau grup-yin a hkamja lam hpe sadi sahka nna nga let, na mying lawm/nlawm hpe mung sa yu na hkum malap u.



COVID-19

Anhte a makau grup-yin gaw manu dan la nga ai. Na na manaw manang ni hpe hkungga u. Na hkum nang mung hkungga u. Mungdan Hkamja lam hte Ginsup Dap Hkringmang a hpaji jaw matsun ai lam ni hpe hkansa u.



Lata hpe jahkring hkring kashin u.



Kahti, jahkru yang n-gup hte ladi hpe magap da u.



Myiman hpe hkum jum u.



Lata shakram ai lam hkum galaw u.



Masha langai hte langai gang gang rai nga u.



N-gup magap lang u.



“ME bang na mungchying sha ni yawng hpang de, Ngai hku nna yawng hpe n-gun jaw let numhtet mayu ai lam gaw, anhte yawng ME bang lu na matu ME bang masha jahpan hpe sa yu ga. Jahpan hta madu a mying lawm na matu hpe ahkyak tawn nna galaw sa wa ga. Ndai gaw nanhte yawng a hkaw ahkang rai nga ai.”

U Hla Thein

Ningbaw, Munghpawm Mungdan Ra Lata Poi Komishin Hpung



Munghpawm Mungdan Ra Lata Poi Komishin a Facebook : <https://www.facebook.com/uecmyanmar>



Munghpawm Mungdan Ra Lata Poi Komishin a website : <https://uec.gov.mm>



Munghpawm Mungdan Ra Lata Poi Komishin Hpung



ME bang masha jahpan hta, Na mying lawm sai kun?



Ya ya jang nan sa yu dat u.

2020 Ning July Shata (25) ya shani kaw nna August shata (7) ya laman hta, tinang a mare buga/gahtawng na Ra Lata Poi Komishin Rung de.....

Na mying lawm/n lawm hpe jep yu u.

ME jaw lu na matu, ME bang masha jahpan hta Na mying lawm ra na.



Ninggam-1

ME bang masha jahpan ndau, shakap da ai shaloi tinang a mying lawm/n lawm sa yu u. Ndaushana wa na nhtoi hpe Mare lawk/Kahtawng Ra Lata Poi Komishin Hpung de san sagawn la u.



Ninggam-2

ME bang masha jahpan hta na mying hkumhkum tsuptsup lawm sai rai yang, 2020 Ning Ra Lata Poi hta ME bang lu na matu nang jin jin rai sai.

Matsing – Lama na, ME bang masha jahpan hta **gram ra, jat bang ra, shaw kau ra ai** lama ma lawm wa yang Ninggam-3 hta matsun da ai hte maren galaw u.



Ninggam-3

Gram sharai ra ai lam ni hpe **masat da ai laika hkrang ni** hte maren sha shawk shawn ra ai hpe sadi/myit dum u.

- ME bang masha jahpan hta na mying nlawm ai rai yang, Laika Hkrang (၃)
- Dinghkrai lam sumhpa hte seng nna shut ai hpe sharai mayu yang, Laika hkrang (၄ - ၀)
- ME bang masha jahpan hta n lawm ging ai masha langai ngai (shajan) lawm taw ai rai yang, Laika hkrang (၄)

ME bang masha jahpan ndau shana ai hpang (14) ya laman hta, matsun da ai Laika hkrang ni hte maren Mare lawk/kahtawng Ra Lata Poi Komishin Hpung de shawk shawn ra ai. Mungchying masat kanan, Mare lawk masha re ai lam madi shadaw laika hte kaga ra ai laika pa ni hte hpawn tang madun ra ai. Nda lam ni hpe galaw ai a matu manu jahpu njaw ra na.

- Tinang galoi mung nga ai nta buga nre ai shara ra hta nhtoi (90) ya jan nga sai rai nna, tinang du taw ai shara a ME Ginwang hta ME bang mayu ai rai yang, Laika hkrang (၃-၀၀) (Ra Lata Poi du na nhtoi (30) ya hta n hpang hkrat ai sha)



Ninggam-4

Madu shawk shawn da ai lam hte seng nna, Mare lawk/Kahtawng Ra Lata Poi Komishin Hpung a dawdan lam hpe, shawk shawn ai shani kaw nna (7) ya laman hta san, sagawn la na.



Ninggam-5

Dawdan ya ai lam hpe myit ndik ai rai yang, Mare Ninghtawn Ra Lata Poi Komishin Hpung de lajin tang shawn ai lam hpe, dawdan lam shana ai laika lu la ai shani kaw nna (3) ya laman shawk shawn ra ai. Mare Ninghtawn Komishin Hpung kaw nna lawan dik ai hku dawdan hparan ya na re.



Ga san-1

Ngai na mying Seng Seng re. ME bang masha jahpan hta, ngai na Wa a mying n lawm taw ai, gara hku galaw ra na kun?

Ga hta-1

ME jaw lu sai masha langai a mying, ME bang masha jahpan hta e n lawm taw ai rai yang Laika hkrang (၃) hta ra ai lam ni hpe ka jahpring nna, ME bang masha jahpan ndau ai hpang nhtoi (14) ya laman, Mare lawk/Kahtawng Komishin Hpung de shawk shawn ra ai. Na Wa hte seng ai sakse laika pa ni hpe mung madun ra na re.

Ga san-2

Ngai gaw Slg. Zau Gam re. ME bang masha jahpan hta, ngai na dinghkrai lam sumhpa hte seng nna shut taw nga ai, hpa matut galaw ra na kun?



Ga hta-2

(ME bang masha jahpan hta, dinghkrai lam sumhpa hte seng nna shut ai lam lawm wa yang, Laika hkrang (၄ - ၀) hta ra ai lam ni hpe ka jahpring nna, ME bang masha jahpan ndau ai hpang (14) ya laman, Mare lawk/Kahtawng Komishin Hpung de jaw ra ai.

Ga san-3

Ngai gaw Mai Mai re. ME bang masha jahpan hta n lawm ging ai masha langai a mying rawng taw ai, gara hku galaw ra na kun?



Ga hta-3

N lawm ging ai masha langai ngai a mying ME bang masha jahpan hta rawng taw ai rai yang, Laika hkrang (၄) hta ra ai lam ni hpe ka jahpring nna, ME bang masha jahpan ndau ai hpang (14) ya laman, Mare lawk/Kahtawng Komishin Hpung de jaw ra ai. N teng, n jaw ai lam hpe madun ai sakse laika pa ni hte hpawn tang madun ra ai.

Ga san-4

Ngai gaw Mai Mai re. 2020 ning (June) shata hta asak 18 ning hpring na re. Du wa na Ra Lata Poi hta ME bang lu na kun?



Ga hta-4

ME bang lu sai masha langai rai yang, ME bang masha jahpan hta na mying lawm ra ai. Madu a mying lawm/ n lawm hpe seng ang ai Mare lawk/Kahtawng Ra Lata Poi Komishin Rung de sa jep yu ra ai. Lama, mying n lawm ai rai yang, Laika hkrang (၃) hpe hpyi la nna ra ai lam ni ka jahpring nhtawm, ME bang masha jahpan ndau ai hpang (14) ya laman shawk shawn la mai ai.

Ga san-5

Ngai gaw Pan Pan re. Ngai galoi mung nga ai nta buga nre ai shara hta nga/du taw ai. Lama, Ra Lata Poi shani ngai na nta buga de nlu wa ai rai yang, gara hku galaw ra na?



Ga hta-5

Nang ya du taw ai shara hta nga ai nhtoi (90) ya jan sai rai nna, du taw ai shara a ME Ginwang hta ME bang mayu ai rai yang, Mare lawk/Kahtawng Ra Lata Poi Komishin kaw na Laika hkrang (၃-၀၀) hpyi la nhtawm shawk shawn la mai ai. Lawu na madi shadaw laika pa ni mung ra na re.

- Asuya magam gun rai yang, na a lahta tsang reng masha kaba kaw na (shnr) na Bungli madu/malai kaw na madi shadaw laika
- Nang du taw ai shara hta nhtoi (90) ya jan nga sai lam, Mare/Lawk uphkanng salang a madi shadaw laika

Laika hkrang (၃-၀၀) hta ra ai lam ni ka jahpring nhtawm, Ra Lata Poi du na nhtoi (30) ya hta n hpang hkrat ai sha, Ra Lata Poi Komishin hpung de sa shawk shawn da ra ai.